

Br 24315

X/20

ECLIPSEOS SOLARIS
DIE XXI. IVLII.

AD

MAGNIFICVM
DN. RECTOREM CHRISTOPHO-
RVM PELARGVM THEOLOGIAE DOCTO-
REM ET PROFESS. PVB.

ac

Reliquos inclitæ Academia Francofordiana
procures, V. Reuerendos & clariss.

CONSIDERATIO

Michaelis Abeli Francof.



Francofordia Marchionum

ANNO M. D. XC.





464795 I



DE ECLIPSI SOLIS.

Iber vt astra stato DEVS ordine lucida torquet,
Lege suaq; poli conuenienter eunt.
Ipsa futurorum causas natura ministrat,
Rite volutatae stant remeantq; vices.

Vt semel omnipotens ortus pater edere iussit,
Haud mutant solitos illa vel illa gradus.
Officij sed alacre decus per secula seruant,
Hic nec adhuc vlllo fragmine cursus hiat.
Luna quòd obscuris defectibus obsita candet,
Phœbus & abstrusis ipse laborat equis:
Vult oborta vagis haud passibus alea sortis,
Sed sua curriculi transtra meatus habet.
Acribus hinc adeò ingenijs ea semita nota est,
Conspicua genus id cum ratione patet.
Est ita: non ob idem, quod sint ea cognita doctis,
Esse futurorum quis monimenta neget.
Seu tamen existunt eadem præsagia tantum,
Inq; globi, nihilum, membra iacentis agunt,
Sine supernorum Nemese sua robora miscent,
Quæq; mouent nutu damna cauere monent.
Fidus & est certè noxam qui prædocet autor,
Vt præuisa minus spicula cladis alant.

Publica cras roseo, cum lux nascetur Eo,
Tertiaq; exortum vexerit hora diem:
Subtrahet ingrato sua lumina squalidus orbi
Qualis obinducto nuptus, Apollo, sinu.
Liuor in ora fluet ferrugine mistus opaca,
Et veluti vultus deficientis erit.
Cumq; dei facies bis sex assurgat in vlnas,
Dodrantale sacra luce carebit opus.
Ne tamen atratis mundum nox implicet alis,
Vitabit miseras pars quotacunq; cruces.
Læta parùm toti surgent spectacula genti,
Luridulam radijs quæ videt ire diem.
Nec decet vt brutis hæc aspiciamus ocellis,
Qui sumus æthereæ conscia corda plagæ.
Quale grauem Xerxes nimium præfractus in hostem
Lusit, vt obducta veste latere deum.
Omina Penelopes Sponsi risere, sed iidem,
Sanguine mox proprio saxa domumq; linunt.
Neu tamen hunc recto obtuitu speculari laborem,
Pulcra, cauere malo disce, iuuenta, meo.
Officit offensi quia contemplatio Phæbi
Visibus, ægrota pupula luce redit.
Obstantes igitur radij ne lumina stringant,
Per liquidas latebram despeculator aquas.
Aut puræ speculum properes submergere lymphæ,
Vnde repercussæ fulgat imago rei.

Tuta:

Tuta fit obtenta quondam transfenna papyro,
Quam tenui cautus perforat autor acu.
Vidi ego in abstrusam qui se præcluserat ædem,
Quam premeret tenebris clausa fenestra suis.
Clara per angustum lux intronissa foramen
Scribet in obscuro tortile schema loco.
Incrementa rei motumq; vicesq; supernas
Repræsentabit motibus umbra suis.
Charta duabus item vitreis inclusa tabellis,
Vtile, visuro mira, diploma dabit.
Tu pellucidulas hyalino lumine quadras
Accipe, diuersus tingat vtramq; color.
Iunge pares, medio foliumq; interfere chartæ,
Charta sit antè leui peruia facta stylo.
Hoc, ostenta videns, oculis obtende specillum,
Visibus officiet non nitor ille tuis.
Hoc potes & reliquos inuestigare planetas,
Stant Solis quoties astra propinqua iugo.
Est aliquid certè tales prænoscere casus,
Æthereasq; hominem carpere posse vias.
Cernere, purpureo, rerum quid in axe geratur,
Quosq; dy teneant ille vel ille situs.
Defectus Lunæ primus prædicere vates
Qui valuit, magni numinis instar erat.
Forsitan & quæras ecquid præsagia portent,
Quasvè Planetarum flebilis ira minas.

Dicam equidem, licet ostentorum haud fata moratur
Summa terens ætas, signaq; litus arant.
Si quid habet veri generosæ calculus artis,
Cæculus Vranie quam profitetur apex:
Ignea temperies siccis dominabitur auris,
Vsta laborabit terra perinde siti,
Alma Ceres tostis passim flaccescet in aruis,
Nec data cum solito fœnore reddet ager.
Ipse labor Phœbi tractus corrumpit hiantes,
Porta necaturis febribus ampla patet.
Quodq; magis dirum, Phœbe defecit eodem
Mense, parum dextro conspicienda loco.
Væ vobis (odiosa parit præsentia cladem:)
Si qua sub inuiso regna leone iacent.
Luna gradum referens à limite Martis obusti,
Protinus obuersi lumina solis obit.
Arguit occultis instare tumultibus ansas,
Plebis & insanæ vis metuenda venit.
Hisco, vel incautis quæ regnatoribus insent,
Dum metus est, Orci ne quis ad antra meët.
Quando potens altè gliscit fiducia rerum,
Sceptorumq; flagrans vndiq; regnat amor.
Fœderibus pactisq; viri ne fideite regum,
Conuentis nimium credulus ipse luat.
Vos quibus acta ducum sceptriq; negotia curæ,
Datq; coronigera munus in arce fauor,

Este

*Esse cati dominos fasces tractare: stat Hermes
Dirus, & è furui carceris æde ferit.
Adde duos centum transactis messibus annos,
Cæca fuit Phæbo deficiente dies.
Schematis euentus cui stat prædicere nostri,
Sedulus illius temporis acta legat.
Ad viadrum varios casus sensere Silesi,
Fœdera cum Turco rege Polonus init.
Post duo lustra iterum cefsit Sol merfus in vmbra,
Francigeno caperis Maxmiliane dolo.
Improba confuso tremuerunt bella tumultu,
Enecuit regem Scotia dira suum.
Turca ferox hostis Venetas inuadit, & vltro
Dalmaticos diro milite vastat agros.
Ter tribus exactis post ordine messibus, aufert
Fraternis iterum Cynthia lumen equis.
Innumerae diris conflagent ignibus vrbes,
Imperium letho deseruere duces.
Tecta viriq; fera cæli periere ruina,
Emicat, vt densis, fulmen & ira, globis.
Quid moror in priscis, restant ingentiæ restant
Nos quoq; consimili, damna, luenda modo.
Nec leo grande fremens, aut falx Saturnia, nedum
Torrida Gradiui stella feretur iners.
Ab tantum ne triste comens Ecclesia cladem
Sentiât, horridulum ferre coacta caput.*

Vincimur

*Vincimur his equidem corpuscula subdita fati,
Grandius humanis viribus instar habent:
Ni Deus obsistat frenisq; tenentibus ardet,
Si quod ab æthereis cursibus omen abit.
Tunc at oberrantes casus ac damna coercet,
Cum videt admissi pœnituisse reos.
Cum manet effrenis culpæ sententia mordax,
Perfurit inuictis ultio dura modis.
Qui cupit à patrijs clades auertere muris,
Astra subacturas intonet vsq; preces.*

FINIS.

